

տեղեկապէս չի հանգամանաց գործոյն, զի խնդրեալ են լինել քննութեան ամբաստանեալ իրաց 'ի տեղւոջ իւրում. ուստի առաքեցէք 'ի կողմանէ ձերմէ զայր ոք հաւատարիմ և խոհեմ, քննել և ստուգել պարագայիւք զգործն, և իմանալ թէ ո՞րպիսի եղանակաւ լեալ իցէ հակառակութիւն հրովարտակին, զի կամիմ փոյթ մեծ ունել գործադրութեան նորին, Վ Շէվիլալ ամսոյ, 1403:

Պատճէն նամակի Գաւառապետին գրեալ առ Միւֆթի և առ Քաղաքապետն Երուսաղէմի: Գրամատոյց մեծապատիւ Փոխանորդ և Թիկնապահ որդեակն մեր Հաֆըզ Բէշիտ էֆէնտի առաքեցաւ առ ձեզ՝ ընդ իւր ունելով զպատճէնս հրամանագրի Փոխարքային, Կայսերական հրովարտակին, և նամակի Հիւսպատոսին մատուցեալ առ Փոխարքայն, և հրամայեալ է նորին Բարձրութիւնն քննել յԵրուսաղէմ զգատս Հայոց և Յունաց, որ ունի լինել 'ի ձեռն որդեկին մերոյ և Միւֆթի էֆէնտեայ՝ առաջի Փոխանորդաց երկուց ազգաց, եւ զինի աւարտելոյ քննութեանն՝ ըստ պահանջման օրինաց կնքել ամենեցուն զարձանագրութիւն և դարձուցանել այսր ընդ որդեկին մերոյ: Ի վերջ Զիւլգատէ ամսոյ՝ 1403:

Կազմեցաւ ժողով յապարանս Քաղաքապետին, որոյ անդամք էին՝ Մէհմէմէտ Թահիր էֆէնտի Միւֆթի քաղաքին, Մուստաֆա աղա Քաղաքապետ, Հաֆըզ Բէշիտ էֆէնտի՝ Թիկնապահ Գաւառապետին, Քիրիլլոս՝ Փոխանորդ, և Սոֆրոնիոս Թարգման 'ի Կողմանէ Յունաց: Կարապետ Նպիսկոպոս Փոխանորդ, և Խահակ վարդապետ Թարգման 'ի կողմանէ Հայոց:

### Նիստ Առաջին:

Նախ ընթերցան զնամականիս, զոր գրեցաք, և ապա եհարց Բէշիտ էֆէնտի ցՀայս, իմացաք զմիտս ընթերցեալ գրոց, և թէ ջնջեցան երեքին հրովարտակք Հայոց, և ընդհանուր նորոգութիւնն տուաւ Յունաց, որպէս գրեալ է 'ի հրովարտակին, ուրեմն զիւրոք համարձակեցայք չինել և նորոգել զծանուցեալ տեղիսն՝ ոչ հնազանդելով հրամանին, զպատճառս եւ զհանգամանս գործոց իւրաքանչիւր տեղւոյ պատմեցէք ճշդութեամբ: